

Campbell 2. 7. 11

9.
C O M H R A D H

E A D A R

DUN-BHRUSGRAIG AGUS FEAR-TURAI8.

LE

IAIN OG MAC-CORCADAIL.



GLASGOW:

PRINTED BY NEIL CAMPBELL, 17 MALTA STREET.

MDCCCLXI.

COMHRADH, &c.

AIR FONN:—"Gur h-i'n Galuit a bh'aig Rumair."

FEAR TURAIS.

A Dhùin-Bhrusgraig nan cas-chreag,
Ged bha mi tacan ar falbh uait,
Thàinig smaointinn fo m' aigne
Gu tigh'nn a dh'fhaicinn do ghorm-bhrait ;
'S gu'n gabhainn sealladh o d' chùirnean
Air gleannan cùbhraidh nan tolman,
Far an d'fhuair thu do leaba,
A's Leac-an-daraich mar cholbh dhith,
'S cha'n 'eil i lag.

'S iomadh linn 'chuir thu tharad,
A's garbh char chuir an gnòmh ort,—
Cha'n e sin tha air m'aire
Ach pàirt do dh'eachdraidh na linn so :
Innis dhomh mu m' luchd-dùcha,
Ciod an cùrsa 'n do thriall iad ?
Cha'n 'eil aon dhiubh ri 'fhaicinn
Ris an leiginn mo bhriathran
Ged bhithinn lag.

Tha mi 'faicinn nam bailtean,
'S an tric 'robh aighear 's toilinntinn,
'N an làraichean farsuing,
Gun fhasgadh no dion annt' ;
'N àite gleadhraich nan eachraidh,
Nan cairtean 's nan cliathan,
Anns an earrach cha'n fhaic mi
Ach cìobair 's madadh r'a chliathaich
'S na h-uile srath.

Tha na h-innisean maiseach
'S an tric a thaigheil mi 'm òige—
Na lagain 'tha fasgach
Le fuarain 's biolair 'n am pòran ;
Gach gleann, enoc, agus cas-shruth,
Gach srath agus mòinteach,—

Tha iad uile mar bha iad,
 Ach cà' bheil cairdean a's eòlaich
 A chaidh 'chur as ?

AN DUN A' FREAGAIRT.

Mu 'se Gall a tha 'labhairt
 Gabh mo chomhairle tràthail,
 Cuir car ann a d' chasaig,
 'S thoir ort sios thun na tràthadh :
 Ged tha sibh làidir 'san tìr so
 'S air ur lionadh le àrdan,
 Cha dean sibh amadan diomsa
 Le cur a sios air na Gàidheil
 Nach d' rinn dhuibh cron.

FEAR-TURAS.

A Dhùin aosda nan glas-chreag,
 'S ann a th'annam fìor Ghàidheal,
 A dh' fhàg an tìr bho cheann tamuil
 'S tha 'measg nan Gallaibh a chòmhnuidh ;
 A's thug mi 'n sgrìob so a dh'amharc,
 Gun fhanaid no mòr-chuis,
 Dh' fheuch am faighinn uait sgeula
 Mu'n eucòir 's mu'n dòghlum
 Th'air Ile bhoichd.

AN DUN.

'S iomad aon thig am amharc
 A bhios ri fanaid 's ri mòrchuis ;
 Ach 's iad na Gaill tha mi 'g ràtuinn,
 Oir tha iad làidir 's an dòigh so,
 Le'n ada spàirte mu'n cluasan
 'S dreach an fhuachd air an sròntan—
 Cha'n fhiach 's cha'n fhiù leò a' Ghaidhealtachd
 Ged 's i chuir loinn air na sgròbain
 'Fhuair innte blas.

Ach tha mi tuigsinn o d' chainnt-se
 Gur h-ann 'sa' Ghleann 'chaith thu t-dìge ;
 'S ged tha thu 'giulan na h-ada
 'S i bhoineid chochdte bu chòir dhuit,
 Bha do chàirdean gu socair
 Anns a' ghleannan so chòmhnuidh ;

Ach trid nan triocan aig *Webster*
 A Port-asgaig gu'n d' sheòl iad
 A nun do'n Ros.

Tha mòran thuath'nach 's an àm so
 Anns a' Ghleann 'cur an òrdugh,
 'Dhol thar na h-*Atlantic*
 Chum 's gu'n seachain iad fòirneart ;
 Chionn tha *Brown* agus *Webster*,
 Mar mhadaidh allaidh gun tròcair,
 A's slugadh nan truaghan,
 'S a' toirt uatha gach feòirlinn
 A gheibh iad ac'.

'S ann leam is duilich r'a aithris
 Gu bheil na nàisinich dhìleas
 Air an cur as an fhearann,
 Le ainneart 's le mi-rùn ;
 Na Gaill a' faotainn an uachdar
 'G an ruagadh 's 'g an dìobairt—
 Anns gach baile cha chluinn mi
 Ach falbh thar tuinn gus an tìr sin
 A tha ro mhaith.

Tha cuid diubh 'fàgail na dùcha,
 'S cuid a' sgrùdadh na'm màltan—
 Cuid gun fhios ciod a ni iad
 A' trusadh bìdh do na pàisdean :
 Na maoir a' faotainn làn chosnadh—
 Gach Boc agus Càrach—
 Mar choin air éil 's iad ri sodan
 Gu bhi 'm broilleach gach Gàidheal
 O'n tha iad bochd.

Bho 'n dh' fhàilnich uachdran an eilein
 Tha Ile 'sgeith as nan nàisneach ;
 'S cha'n 'eil aogasg an gradaig
 Gu'n d' theid stad air an àr so ;
 Ach gabh mo leth-sgeul car tamull,
 Bho'n tha mi'n cabhaig an tràsa,
 'N uair thig thu rithisd am amhare
 Bidh agam naigheachd is fearr dhuit,
 'S mo bheannachd leat.

C R I O C H .

